

LESA ALAILULA UMWINE EKA



Taata Wesu uwamu Myuulu, i Cebo ukufuma kuli Imwe cipilibula ifingi ukucila pa muntu onse panshita yonse ifyo engacita nangu ukulanda, pantu abantu balelolela ukumona Imwe. Kabili tuletotela Imwe pantu kuli bamo abali pesamba ilya kwenekela, balelolela pacintu cimo ukucitika. Kabili lintu abantu bakwete icilaka cacintu cimo, itenga lita pe Tenga libiye, kufwile kwaba i Tenga ukwankula kuli uko ukwita. Emulandu wine tubelele pano munshita ino iyabushiku, pantu cena caali pamitima ya aba bakapyunga, nabantu, ukutwita bonse capamo ukwipusha Imwe ukukwata ububile bwesu namapalo, ukucetekela ukuti Imwe mwalaundapa abalwele nokupususha abaluba, kabili mwalalenga i Cebo Cenu cisokoloke.

² Kabili twapepa, Taata wamu Myuulu, ukuti Mwalafikilisha ici kuli ifwe nga fintu mukuicefya tulelolela pali Imwe, ubushiku nobushiku. Leken i kube ukwituluka ukwa—ukwa Mupashi wa Mushilo ukwaba ngefyo, kabili lekeni umuntu onse abe impofu kucintu conse cimbi icishingulwike bena kanofye Lesa. Leken i pabe ukulila ukukalamba ukuya pakati ka bantu, abakwete icilaka cakwa Lesa, mpaka kwise ukupuputulwa ukupita mu calo pano kabili ne chalichi conse cileisula na bantu, ababembu abalelilila kuli Lesa ukukwata uluse, kabili—kabili na Mupashi wa Mushilo ukundapa abalwele, nokulenga abalemana ukwenda, kabili nokubusha abafwa, kabili fikilisheni ifi fintu ifyalaiwa mu Cebo Cenu.

³ Iseni, Shikulu Yesu, nokufikilisha ubulayo Bwenu. Iseni pali ifwe munshita ino iyabushiku. Twacetekela ukuti Imwe mwaba cimo cine mailo, ileelo, nomuyayaya, nokutila ubulayo Bwenu tekuti bufilwe. Fyonse fibili imyuulu ne sonde fili nokufilwa lelo i Cebo Cenu tekuti cifilwe. Leken i ukukutuluka kwesu kwisuke. Leken i Mupashi wa Mushilo ese nokubika umufula mumushili. Leken i ukukutuluka kwesu kube ukwaisuka ku Mupashi nakumaka yakwa Lesa munshita ino iyabushiku, ukutila Ena engalangisha i Cebo Cakwe ico alaya ukupitila muli ifwe. Pantu twaipusha ici mwi Shina lyakwa Yesu. Amen i.

⁴ Nomba, munshita ino iyabushiku, imwe mwebamona, natwisule muli Baibele mwi Buuku lyakwa Petro Wacibili, tutampe na versi 15, nshilafye iya kulanda pe Lembo pakashita akanono.

*Nokucilapo kuti Nafwaisha ukubombesha
apakalamba ukuti imwe panuma yakulwala kwandi
ukuti mwingalakwata ifi lyonse mukwibukishiwa.*

*Pantu tatwakonka imipashi iyaci lande lande,
imilumbe, lintu twaletete kuli imwe ukwishibikwa*

ukwamaka kabili no kwisa kwakwa Shikulu Yesu Kristu, lelo twaba inte ishamona ubukulu bwakwe.

⁵ Nalitemwa ico, “inte ishamona.” Temilumbe imo. Ifwe tuli nte sha paco tulelandapo.

Pantu apokelele ukufuma kuli Lesa ukucindikwa kwakwa Wishi nobukata, kabili kwaishile ishiwi ilyaba ngefyo kuli ena ukufuma kubukata ubwawamisha, Uyu e Mwana wandi untu Natemwisha, muli ena emo mbekelwa.

Kabili ili shiwi ilyafumine mu muulu twalyumfwile, lintu twali nankwe mulupili ulwamushilo.

Kabili natukwata pamo i cebo icacine icabusesemo; apo naimwe mwinga cita icisuma ukuti mwi ngomfwikisha, nga kulubuuto lulya ulubengeshima mu. . .ncende yafita, mpaka kulucelo, kabili nolutanda lwakumaca lwaima mumitima yenu:

Ukwishiba ici mukubalilapo, ukuti takwaba ubusesemo ubwa malembo ubwaba nobwilulo bwaibela.

Pantu ubusesemo tabwaishile munshita ishakale nobufwayo bwa muntu: lelo abantu ba mushilo abakwa Lesa balandile umwalola ifyo baletungululwa no Mupashi wa Mushilo.

⁶ Lekeni Shikulu alundeko amapalo Yakwe kukubelenga kwa Cebo Cakwe. Nomba, Nalabula ici ngecesambililo: *Lesa Alailula Umwine Eka.*

⁷ Tuleikala mubushiku bwacimfulunganya. Tuleikala mubushiku ubo umwaume nomwanakashi tabeshibe icakucita. Fyonse fili, filemoneka ukuba mubwafya. Ifintu fyonse, filemoneka kwati takuli inshila ishingwi nganshi ishampusana pusana ishakuloleshapo. Uyo ni Satana uucita ico.

⁸ Nomba, Lesa teti apingule umuntu mubulungami, nacilungama, kano kwabako umulingo untu afwile Abapingwilako. Kabili na Baibele yalanda ukuti Ena ali nokupingula umuntu na Yesu Kristu, kabili Yesu Kristu e Cebo. Muli Yoane Washila, capitala 1, calanda ukuti:

Mu kutendeka kwali Cebo, kabili Cebo ali pamo na Lesa, kabili Cebo ali ni Lesa.

Kabili i Cebo capangilwe umubili, nokwikala pakati kesu, . . .

⁹ Nomba, fyonse ifyo twaba ileelo ekulangisha kwa mibele Yakwe. Muli Lesa . . . Pakubala Tali nangufye ni Lesa, Lesa, ifwe kuti twamwitafye Ena “Uwamuyayaya Umo.” Taali ni Lesa, pantu ishiwi (ishiwu Mucisungu) Lesa cilepilibula “icintu cimo icipepwa” kabili takwali nangu icintu cimo icakumupepa Ena. Eico Ena ali Umo Uwamuyayaya, aka—aka Fukauka kamo

aka kalamba akakwishiba fyonse. Kabili muli aka Akafukauka akakwishiba fyonse tamwali nangu ni atomu, akabulungwa, nangu icishaba conse cimbi, ulubuuto takwali ukuli konse, intanda, umweshi, takwali nangu cimo. Lesa, untu twaishiba nga Lesa, u Mupashi uukalamba uwali uwa Muyaya (tawatampile, kabili tawapwile), Ali palya pene. Kabili muli Ena mwali imibele: yali mibele iyakuba Lesa, imibele Yakwe iyakuba Wishi, mibele yakwe iyakuba u Mwana, imibele yakwe iyakuba u Mupusushi, imibele iyakuba Kondapa. Yonse iyi imibele yali muli Ena. Kabili nombamba Ena . . . Ifi fintu ifyo asokolola ukutula palya fyabafye imibele Yakwe iyasokololwa.

¹⁰ Ico Ndepilibula, *imibele*, yali “ematontonkanyo Yakwe.” Kabili i—i *cebo* e “tontonkanyo ilya langwa.” Kabili nombamba ico ecali mwitontonkanyo Lyakwe. Kabili lintu Alandile ukuti, “Lekeni kube,” kabili kwali. “Lekeni kube,” kabili kwali.

¹¹ Kabili nombamba, ibukisheni, mwebena Kristu mwali amatontonkanyo Yakwe ilyo isonde talilabako. Kabili imwe nimwe ukulangishiwa kwaku tontonkanya Kwakwe. Ilyo takulati kubefye ne sonde, mwali muli Kristu, (ameni) muli Lesa kukutendeka. Ico ecimulenga imwe, nombamba, mwamona imwe, abantu Bakwe. Kabili icintu conse ni Lesa, pa Lwakwe umwine, ukuilanga umwine pa Lwakwe mucintu icilemoneka eico Ena kuti bamwikatamo, bamumona, kabili—kabili nefyaba ngefyo. Kabili ifyo efyo Lesa aba, icintu conse.

¹² Nombamba abantu balanda ukuti, “Ukwilula . . .” Nalelanda pano tapapitile inshita mu musonkano, umwaume atile kuli ine, ena atile, “Munyina Branham, wakwata ukwilula ukwalubana. Iwe taupilibula Ico mukulungama.”

¹³ Nombamba, tulomfwa . . . Baya kuli ba Methodisti, bena nokulanda ukuti “Ba Baptisti tabapilibula bwino.” Ba Baptisti batila, “Ba Pentecosti tabapilibula bwino.” Ba Pentecosti batila, “Ba—ba Oneness tabapilibula bwino.” Ba Oneness batila, “Ba Assemblies tabapilibula bwino.” Kabili cila umo umo atila ulya umbi tapilibula bwino.

¹⁴ Lesa Alailula Umwine Eka! Tafwaya nangu umo umuntu uwaku Mwilwilako. Aicitilafye Umwine ukwilula Kwakwe. Ninani uyo muntu uwingela lula Lesa? Lesa Alailula Umwine Eka.

¹⁵ Nombamba, Petro alelanda apa ukuti, tulesanga ukutula mukutendeka lintu Lesa atile, “Lekeni kube ulubuuto,” kabili kwali ulubuuto, ico ekupilibula kwaico. Lintu Lesa alandile icintu conse kabili casokolwelwe, nombamba ico ekupilibula kwakwa Lesa ukutula i Cebo Cakwe calilungama. Mwamona? Lintu Alandile, “Lekeni kube ulubuuto,” ico ecali mumatontonkanyo Yakwe mukubalilapo ilyo takulati kube icintu caba ifyo ngo lubuuto. Lintu Alandile ukuti, “Lekeni kube ulubuuto,” ulubuuto lwaimine mumakumbi, ico ekupilibula. Takuli nangu umo uwaku pilibula ico, pantu Lesa alandile

ifyo eico eko cali. Lintu Lesa alanda kabili casokololwa, uko ekupilibulwa kwa Cebo Cakwe. Mulandu nshi abantu tabenga mwena ico? Mulandu nshi abantu tabamwena ico?

¹⁶ Lintu Lesa apanga ubulayo kabili Lesa atila...Mu—mukutendeka, mu Kutendeka, Abikile i Cebo Cakwe kunkulo imo nga fintu Cena caleenda ukufuma kukutendeka ukufika kumpela. Kabili, ukuya ukupita muli ishi nkulo, ichalichi camwisonde calikwata fyonse ifi fintu ukuba ifyasanishiwa nentambi, nafimbipo, kabili Lesa lyonse atuma mukubapo, ukuya monse mu Cipangano Cakale namu Cipy, bakasesema! Kabili i Cebo cakwa Shikulu cisa kuli kasesema. Kabili Cena cicita shani ico? Cena cisokolola i Cebo cakwa Lesa. Lesa ukuisokolola, kulanda nga cakuti ico nacilungama nangu nacilubana. Takuli nangu umu uufwile apilibula Ico, i Cebo cilaipilibula icine Palwaciko. Lesa alaile ico kabili cena cilacitika!

¹⁷ Cisuma nshi cicita ukulanda icintu icili conse palwa Ico? Ninani umuntu walubembu uyo uwingesha ukulanda (lintu Lesa apanga ubulayo kabili Lesa acita ico) ukuti ukuti ubupilibulo nabulubana? Uyo ni Lesa pa Lwakwe eulecita ukupilibula Kwakwe Umwine, ukupilibula. Tafwaya nangu umu ukupilibula Ena, Ena aipilibula pa Lwakwe ukupitila mukuisokolola mucu Alaile ukutla Ali nokucita.

¹⁸ Oh, nga cakutla ichalichi kuti camona ico nokumona ubulayo buntu abika muli cila nkulo! Inkulo shimbi, Lesa alituma mukubapo (nangu ukuya munkulo cine lubali ishama chalichi) kabili alisokolola ifintu fyonse ifyo Alaile ukucita. Ifintu fyonse, takwashala icintu nangu cimo icishacitwa. Bwino bwinofye! Ico Alandile ukuti Ali nokucita, ico Alicita.

¹⁹ Pantu lintu Lesa alandile mulya, kunuma kulya muli Esaya, Alandile, “Nacisungu akemita,” kabili acitile ifyo. Nomba, ninani—ninani uwinga pilibula ico? Lesa alacita ukupilibula. Atile, “Nacisungu akemita,” kabili ena alimite. Nomba, iwe nicinshi... iwe teti... Tapali nangu cimo icingalandwa palwa ico, pantu Lesa atile alinokucita kabili ena acitile ico. Lelo ichalichi cena cali ni mpofu lilya ukumona ico. Mwamona, bena bakwetefye amano yabo palwa ico. Cena cali apakalamba—apakalamba icapusanako paco bena bale enekela.

²⁰ Petro apa alesontelela kunuma, atiile, “Lesa asokolwele Kristu ne Cebo Cakwe, Atile, ‘Uyu e Mwana Wandu untu natemwa.’” Aba abacetekela baiminine palya. Kabili Kristu ewali ukusokololwa kwakwa Lesa. Lyonse ena asokolola Kristu mu Cebo Cakwe, pantu Kristu Cebo. Ena lyonse alamusokolola.

²¹ Lintu Atile... Munshiku shakwa Noah, Kristu ali muli Noah. Bushe namucetekela ico? Noah atile, “Ili nokuloka imfula. Kuli nokuba imfula i sonde lili nokonaulwa.” Yena yalokele. Ico tacalekabila ukupilibulwa ukuli konse. Yalokele pantu

Lesa, munshita yakwa Noah, atiile, “Yena ili nokuloka.” Ali nikasesema, kabili necakushininkisha cali icakuti ico alandile caishile fikilishiwa. Eico bena tabalekabila ukupilibula ico.

²² Bamo pali bena limbi, ukushinguluka batile ukuti, “Uyu muntu teshibe paco alelandapo.”

²³ Lelo Lesa lyonse alilaile, “Nga cakuti pabapo umo pakati kenu uuli uwabumupashi, nangu kasesema, kabili ico alanda caisa fikilishiwa, nomba umfweni kuli ico.” Ico nacilungama, pantu cena ecine. Cena cifwile ukuba umwabela pamo ne Cebo. Kabili Noah ali umwabela pamo ne Cebo. Lintu aseseme ukutula ili nokuloka, kabili yena yalilokele. Ico tacalefwaya ukupilibula ukuli konse palwa ico, pantu cena cacitilefye ifyo fine.

²⁴ Esaya atile, “Nacisungu akemita,” kabili acitile. Nomba, ico cali icabipa icishicitika. Pantu, moneni, pantu papitile imyanda imyaka iingi ukuya kuntanshi ilyo uyu nacisungu talaimita.

²⁵ Pantu cena cali icishacitilwe mpaka uyu umwaume umusuma uweshina lya Yosefe, umulume wakwe, “kabili ukuba umwaumefye kabili tafwaile ukumusebanya ena ukuba icakumwenako kucintu bwingi...” Ulya umuntu umwaume umusuma muli shilya inshiku, ifyo cena cali nokuba pamo na Yosefe lintu ena amukobekele, akobekele Maria.

²⁶ Ena akobekelwe. Muli bulya ubushiku, ukonaula ico, cali pamofye nokucita ubucende. Kabili, ifyo fine, kuli Yosefe, camoneke kwati ulya Maria ale esha ukumubomfyafye ena ngecaku fisamamo, nangu ukumupanga ngecaku fisamamo kuli ena pacilubo cakwe, pantu apa asangilwe ukuba nyina, uushaupilwe, lelo uwakobekelwefye. Ubucenjeshi bwabwa ifyo, bwali kutobwa amabwe mpaka nokufwa; cali nokuba ifyo, ukupitila mumalango.

²⁷ Kabili Yosefe umulume wakwe, ali umuntu umulungami, umuntu umulungami nganshi. Uwacetekele Lesa. Kabili lintu aloleshe pali ena nayo ayakutemwa, amenso ayakalamba ayanakilila, kabili atiile, “Yosefe, Gabrielo Malaika mukalamba antandalile nokunjeba ukuti Ndi nokwimita, ukwabula ukwishiba umwaume.”

²⁸ Nomba, nga cakutula Yosefe aloleshefye ukubwelela mu Malembo, kasesema atile ali nokucita ico! Cena califye ni Lesa ukupilibula i Cebo Cakwe Eka! Mwamona? Lelo cali icintu icishalecitwa apakalamba.

²⁹ Ico ecaba ubwafya munkulo iili yonse. I Cebo cakwa Lesa caliba iceni kubantu; Caliba icishicitwa apakalamba. Lesa lyonse acita ifintu ifishicitwa. Cena caba icishicitwa konse uko Lesa ali. Cena lyonse caba icilwisha imibombele ye sonde, pantu bena balikwata ifintu muli iyo nshila iyo bena batontonkanya ukutula ifyo cena cifwile ukuba. Lelo Lesa alesamo nokucita ifishingacitwa.

30 “Nimumusango nshi uyu nacingu engemitilamo?” Ena ali uwacishinka, aipwishe Lesa palwa ico.

31 Kabili Lesa alandile kuli ena muciloto, nokutila, “Yosefe, we mwana wakwa Davidi, witina ukubula Maria umukashi obe, pantu ico icimitwe muli ena ca Mupashi wa Mushilo. Lesa ali mukupa ena. Ici ecacita ico.”

32 Bushe mwalitala amumona umusango untu Lesa abombelemo pamo na Yosefe kulya? Munshila yacibili, munsila yaciloto. Nomba, twaishiba ukutila kwaliba ifiloto, twali cetekela mufiloto. Naine nalicetekela mufiloto. Ukuba... Lesa abombele pamo na bantu mufiloto. Lelo iciloto ninshila yabubili, mwamona, kuti caba icalungama nangu icalubana kano cailulwa. Lelo talekabila ukwilula ukuli konse. Cali ni Lesa Umwine uwalelanda mukulungatana ku Yosefe, pantu takwali kasesema mu calo muli shilya inshiku uwakwilula. Tabakwete kasesema pamyaka imyanda iine. Eico icawama icakonkelepo, cakutila Lesa asakamene pabwikashi ubusuma ubwa Mwana Wakwe Eka, cali kulandila kuli Yosefe ukupitila muciloto kabili ukwabula ukwilula. Atile, “Umwanakashi nalungika. Cilya Icintu ca Mupashi ico icimitwe muli ena cali Mwana wakwa Lesa.” Tacalekabila ubwilulo ubuli bonse.

33 Lesa alacita ukwilula Kwakwe Eka ku yacine, imitima yacishinka. Abaume na banakashi abalolesha pa—pa cintu ico icakusungusha, nga cakutila uli uwacine kabili uwacishinka kabili wacetekela, Lesa alikwata inshila iyakwilwilamo ico kuli iwe. Mukubalilapo, ufwailishe nga cakutila cena bulayo. Nga cakuti Yosefe abwelelemo kunuma nokufumako kuntambi nokubwelela kuli Baibele, nokufwailisha, Esaya atila ena ali nokucita ico.

34 Kabili ne cintu ico icalandilwe palwa ico, noku fyalwa Kwakwe, kabili na conse pali cena calandilwe mu Malembo, “ukupitila muli bakasesema bamushilo,” nga fintu Petro alandile. Kabili takwaba umuntu nangu umo uwakata insambu ishakubikako ukwilula kwa mubumfisolo kuli ico. Cena califye bwino bwino kuco Lesa alandile ukutila ecili nokucitika. Ena ewali icakusokololwa ica Cebo cakwa Lesa icalailwe muli bulya ubushiku. Lesa alandile ico, kabili eflyo cali. Ico capwishishe cena.

35 Yesu atile...Lintu Ali pe sonde, lintu bena bafililwe ukukutuluka ubupyungisi Bwakwe, cena cali icikalamba nganshi, icamoneke icikalamba nganshi, (bena bafililwe), icamoneke, ukucila. Bena bafililwe ukukutuluka Ena. Atile, “Mufwaye mu Malembo!” (Ndesubila Nshilekomeka imwe uko, ukubilikisha muli ico.) “Imwe mufwaye mu Malembo, pantu muli Yena imwe mutontonkanya ukuti imwe mwalikwata u Mweo wa Muyayaya, kabili Yena eyamo ayapela ubunte pali Ine.” Mwamona? “Bena e Bamo abamyeba Untu Ine naba.”

³⁶ Mwamona, Lesa abikile i Cebo. Bulya ubushiku bwali bushiku ubwakusokololwa kwakwa Lesa, Lesa (Emmanueli) uwaba pamo naifwe, “Ishina Lyakwe likaba Umusuma, Kapanda wa mano, Cilolo wa Mutende, Lesa Uwamaka yonse, Taata uwa Muyayaya. Kabili i Shina Lyakwe liketwa *Emmanuel*, ‘Lesa uwaba pamo naifwe.’” Lesa ali muli Davidi. Lesa ali muli Mose. Lesa . . . Uyo ni Lesa uwabafye munshila yonse, ukuisokolola Umwine palwakwe muli ilya nkulo. Lelo ino nkulo, “Nacisungu ali nokwimita kabili akafyala u Mwana umwaume, kabili Ali nokuba Lesa pamo naifwe.”

³⁷ Uyo wine emulandu ba Mutanikilepo, ukuipanga Umwine Lesa, kabili pamo nokonaula i Sabbata. Ena aali—Aali ni Lesa pe Sabbata, kabili Aali ni Lesa. Kabili Tali umuntufye nangu kasesema fye (cibe Ena ali Umuntufye kabili Kasesema), lelo Aali ni Lesa-Kasesema. Kabili Ewali kafikilisha wa Cebo, bwino bwino fye paco Lesa alandile ukuti Aali nokucita. Atile, “Pali imwe ninani uwinga nsusha Ine palubembu? Mufwaye mu Malembo! Muli Yena imwe mutontokanya ukutila mwalikwata u Mwao wa Muyayaya, kabili Yena eyapela ubunte pali Ine.” Lelo intambi shabo, bena baleikalila mu myengelele iikalamba iya nkulo imbi.

³⁸ Nga fintu Naleshimikila imilungu iinono iyapitapo, “*Ukwikala mu myengelele.*” Imyengelele “ecakumwenekesha icilangwa,” akasuba ukuilangisha akene, kabili ciba icabufi. Kabili imyengelele ya munkulo imbi cabufi icilangishiwa. Abantu lyonse bendela mucintu cimo icacitike mumyaka yapitapo. Ba Lutherani bale endela mu myengelele yaba Lutherani. Ukubengeshima kwa kasuba kakwa Luther kwali ukusuma mubushiku bwakwe; Wesley ali umusuma mubushiku bwakwe; ba Pentecosti bali abasuma mubushiku bwabo. Tuleya tulenina umutanto, tuleikala mu nkulo imbi! Tuletwalililapofye ukuya, ukuya, ifwe teti tutwalililepo ukulolesha kunuma.

³⁹ Lintu ifwe twaba abafikilisha mufintu palwesu, tutontokanya ukuti fyonse ifwe natukwata nacipwa, tukwata intambi shesu ishapombwa pamo; kabili ico cali icalungama ica bulya ubushiku, lelo tuleya tule enda! Fwayeni mu Malembo nokumonamo ico icalailwe ica buno ubushiku, nomba kuti ifwe twaishiba apo tufikile, nomba kuti twalanda napo twiminine.

⁴⁰ Luther; imwe kuti mwalolesha mu Malembo nokumona mulya—mulya munkulo ya Sardis, kuti mwamona bwino bwino ico icalailwe. Lolesheni pamusango wakwa kensha wakwa kabalwe uwamoneke, lolesheni cilya icaile mu kumukumanya bwino bwino, “ni bucilande lande bwa muntu,” ukupangwa. Moneni Wesley, nafimbi po. Nga fintu cena caishile fika mu nkulo ya Pentecosti, kabili nokuya ukupita muli ilya nkulo, moneni ifyo cena caendele. Lolesheni mu Malembo nokumona apo muli. Uyo wine emulandu Yesu alandile ukuti, “Fwayeni mu Malembo!”

41 Moneni apo tuli! Nincetekela tuli pa Kwisa kwa Mwana wakwa Lesa nombamba line. Nincetekela tuli mu nkulo iya ilya—ilya ine inshita ukuti Enga moneka panshita yonse. Nincetekela Amalembo yalelanda ico, ukutila tuli munshita iyakulekelesha iye lyashi lyalino i sonde. Ndemona ifintu ifyo file enda. Ndemona Icisakaka ca Filonganino ukutungulula ama chalichi muli ico, mululembo ulwa ciswango. Kabili moneni Ubuteko bwaci Roma nefyo bulecita, kabili nabashalako bonse. Mulebamaona baleisa capamo, ukushimya u Lubuuto, ukwisalila ukupwisha i Mbila nsuma. Umuntu onse afwile aba muli cena nokwenda mulubuuto lwabo nangu imwe tamwakendemo nakalya. Mwamona, tuli pampela yanshita. Tapali nangu cimo icisheleko kuli ifwe lelo kwikatilila pali Lesa nokucetekela i Cebo Cakwe. I Cebo lyonse caliba icalungama.

42 Munkulo ya chalichi ca Laodekeya, ico cali e chalichifye icankulo, pali fyena fyonse, ukutila Kristu bamubikile kunse ya chalichi. Ali panse, alekonkonsha. Cinshi icacitika? Ici Icisaka ca Filonganino ecili nokubika Ena kunse. Baibele Yatila Ali nokuba kunse, kabili Ena ali. Nacisalika cinshi? I Cebo. Kabili Ena e Cebo, Lyonse aba i Cebo, kabili Acilifye ena i Cebo munshita ino iyabushiku! Ena Cebo.

43 Baibele Yatila, “I Cebo calitwisha, icamaka ukucila ulupanga ulwatwila kubili,” aba Hebere, chapitala 4, “nikalingulula uwamatontonkanyo nefya mukati fyamutima.” I Cebo cali! Bena nga balishibe Untu Ali lintu Yesu alandile muli bulya ubushiku.

44 Moneni paco acitile Ena. Ubushiku bumo ilyo Ena aiminine palya, ukubalilapo kwakutampa kwabupyungishi Bwakwe. Kwali umuntu uwaishile kuli Ena, uweshina lyakwa Simoni, Simoni Petro. Kabili lintu Petro aloleshe pali Ena kabili—kabili nokumona Ena, Yesu atile kuli ena, “Ishina lyobe niwe Simoni kabili uli mwana wakwa Yona.” (Ena nga alishibe ukutila Mose atile, “Shikulu Lesa Obe akemya Kasesema uwalingana naine, kabili Ena mufwile mwamumfwa.”) Kabili pano pali u Muntu uyo uushatalile amumona mu mweo Wakwe, atile, “Ishina lyobe niwe Simoni kabili uli mwana wakwa Yona.” Mulandu nshi, ena aishibe palya pene ukuti ukuti tacali nokubapo nakabili. . . Tabakwete kasesema pamyaka ama andeleti, kabili pano paishile u Muntu uwalemweba untu aali. Emulandu wine ena apokelele ico!

45 Filipino, pali ilya nshita aile no—nokusanga Nathanaele pesamba lyacimuti nokumuleta kuli Yesu. Yesu atile “Moneni umwina Israeli muli ena umushaba ububi.”

Ena atile, “Kafundisha, ni lisa ilyo Mwatalile ukunjishiba?”

46 Ena atile, “Ilyo Filipino talakwita, ilyo waciba pesamba lya cimuti, Nacikumona.”

47 Ena atiile, “Kafundisha, Iwe uli Mwana wakwa Lesa! Iwe uli Mfumu yakwa Israeli.” Alishibe ukutila ulya ali ni Cinshi? Tacalekabila uuli umuntu uuli onse ukwilula, Yehovah ewalandile Ico!

48 Palya paiminine balya abashacetekele ico. Bena batiile, “Uyu Muntu ni Beelzebub. Ena nakwata—Ena nakwata amano yamo ayabucenjeshi ayo Alebomfya. Ena—Ena nikasobela-wafyakucitika, nangu icintu cmo.”

49 Yesu aloleshe pali bena, kabili atile, “Mulandu nshi, mulelandila ukulwisha u Mwana wa muntu, ico cikalenga imwe ukwelelwa. Lelo lintu Mupashi wa Mushilo aisa naimwe mwacita icintu cimo cine, ukulandila icibi Cilya, isonde tamwakatale amwelelwa, muli lino isonde nangu isonde ilili nokwisa.” Alesesemena pabushiku bwesu, ubushiku ubo ifwe tufwile twamona. Pantu Aba cimo cine mailo, ileelo, nomuyayaya.

Ibukisheni, ni Yesu Kristu ewali muli Mose.

50 Ena ali ni Yesu Kristu ewali muli Davidi. Lintu Davdi, umwana wakwa... Davidi aile nokunina ulupili, imfumu iyakanwa, kabili nokuya lila mu Yerusalemu, ico tacali cimbi nicimbi lelo ni Kristu ewali muli yena. Palwa myaka limbi eiti andeleti kuntanshi, u Mwana waka Davidi ukwikila pa Lupili lwami Olife kabili aloleshe pali Yerusalemu nokulila, nokutila, “Yerusalemu, Yerusalemu, kuti lyonse Nakukupikila shani nga fintu nankoko atota abana, lelo iwe tauli noku!”

51 Lintu Yosefe aali mucifungo, ulya ali ni Yesu. Lintu ashitishiwe mupepi nempiya amakumi yatatu ishamuseke isha silufele, ulya aali ni Yesu. Lintu apangilwe ukuba umuntu wakwa Potifa, ulya aali ni Yesu. Lintu aikele kukuboko ukwakulyo ukwakwa Farao. Kabili lintu afumine ukuya, umuntu onse... ipenga lyalilile kabili nomuntu onse afukeme pekufi, ulya ali ni Yesu. Takwali umuntu nangu umu uwakuya kuli Farao kanofye ukupitila—ukupitila muli Yosefe; takuli umuntu nangu umu uwingesa kuli Lesa, kano ukupitila muli Yesu. Ena ali ni Yesu, i Cebo casesemwe ukuba icafikilishiwa, calandile mufinshingwa namufya kupashanya.

52 Lintu Yesu ali pano pe sonde, Acitile icintu cimo cine cintu bakasesema bacitile, uyo wine emulandu wine bena baishibe ukutila Ena aali kusokololwa kwakwa Lesa mu Cebo Cakwe. Cena tacalekabilwa ukwilulwa.

53 Lintu Nathanaeli amwene ici, ena aponene panshi, nokutila, “Iwe uli Mfumu yakwa Israeli u Mwana wakwa Lesa, i Mfumu yamu Israeli. Twalikwishiba Iwe, takuli umuntu uwinga cita ici.”

54 Nicodemus aishile munshita yabushiku, alandile icintu cimo cine kuba Faliseo. Lelo, imwe mwamona, bena bali abakatililwa mulya mu Cisaka cabo ica Filonganino icakutila

benabakene ukucipokelela Cena. Ena alondolwele ico balandile, atile, “Kafundisha, ifwe. . .” Ninani “ifwe”? Icisaka cabo! “Ifwe twalishiba ukutula Iwe uli kafundisha uwafuma kuli Lesa, pantu twalishiba ukutula umuntu teti acite ifi fintu kano Lesa abapamo na Ena.” Bena Balicishibe, bena balishibe ukuti Cali, lelo bali abakatililwa muli ico.

⁵⁵ Kabili Lesa atile, mu myaka amakumi yane iyapita asunkenye ici calo no lubatisho lwa Mupashi wa Mushilo, kabili abaume nabakashi bacili bali kunse ya Cena pantu balikatwa mu cintu cimo cine, ukwikala mu myengelele iya bushiku bumbi. Ubwafya bubelele pesa? Cila umo alefwaya ukuba Methodist, Baptist, Presbyterian, Lutheran, nangu icintu cimbi. Mwamona, lwena lubuto lwa myengelele.

⁵⁶ Baleikala mu myengelele yabushiku bwakwa Mose. Cinshi ico Alandile? Atile. . . Bena batile, “Tuli basambi bakwa Mose.”

⁵⁷ Atile, “Nga cakuti mwali mwishibe Mose, imwe nga mwalishibe Naine. Mose alebele palwa Ine!”

⁵⁸ Nga cakutula imwe mwali mwishibe Luther, nga mwalishibe ino nkulo! Nga cakuila imwe mwalishibe Methodist, nga walishiba ino nkulo! Pantu Kristu alebele palwa ino nkulo! I Cebo ico icilefikilishiwa cifwile cafikilishiwa muli ino nkulo. Cena tacilekabila umuntu umu ukucilula Cena, Lesa Ailula Umwine pa lwakwe. Lesa ailula Umwine palwakwe, pantu Ena Eumofye eka uwingelula Ico. Ubulayo bwakwa Lesa lyonse yashininkisha ico Alanda, kabili ico ekwilula.

⁵⁹ Nomba, Yesu, (ukusungako inshita), Yesu atile, muli Yohane Washila, chapitala 14, versi 12, “Ena onse uwacetekela muli Ine, imilimo intu Ine ncita nao pamo akacita.” Bushe Alilanda ico? Ico nacilungama. Ico tacikabila ukwilula ukuli konse. Lintu umuntu umu acita uyo umulimo uyo ni Lesa. Icine cine!

⁶⁰ Ena pamo alandile mulya, “Nga fintu cali munshiku shakwa Loti, ifyo fine efyo cikaba napakwa kwa Mwana wa muntu.” Yesu alandile ico. Bushe Alandile ico? Icine cine, Alandile ico! Ico tacilekabilwa ukwilula.

Bena batila, “Ukuba, ico capilibwile. . .”

⁶¹ Cena capilibwile bwino bwinofye ico Ena alandile! “Nga fintu cali munshiku shakwa Loti, ifyo fine efyo cikaba napakwa kwa Mwana wa muntu.” Nga panshiku shakwa Loti? Natubwelelemo kunuma pakashitafye akanono, twishibe ico balecita.

⁶² Kwali amabumba yatatu ayabantu munshiku shakwa Loti: abacetekela, abaipanga-ukucetekela, naba shacetekela. Ico cali mwi bumba lyonse, icintu cimo cine.

Tulesanga ukuti aba mu Sodomu bali abashacetekela.

Loti ali uwaipanga-ukucetekela.

⁶³ Abrahamu aali uwacetekela. Ena eumo icipangano cashininkishepo. Ena ewalefwaya umwana wabulayo. Aali umo uyo uwale enekela ena. Ameni. (Nshile landa “ameni” palwandi. *Ameni* cilepilibula ukuti “Cibe ifyo fine!”) Kabili ico nacilungama. Abrahamu tali mu Sodomu. Abrahamu aali mulya kabili afuminemo mu Sodomu. Ena ecakupashanya ca Chalichi cabumupashi ileelo.

⁶⁴ Loti ecakupashanya ca chalichi cafilonganino mulya mwine mu Sodomu nomba. Moneni, Baibele yalanda ukuti, “Imembu shamu Sodomu shalelungulusha umweo wakwe cila bushiku.” Mulandu nshi tablele uwashipa mukulinga ukumwiminina nokukanako kuli ico? Kuli abantu abengi abasuma ababa namu chalichi ileelo, balelolesha balemona nabanakashi notuputula nomwaume nao alecita ifi fintu, naba membala babo baleya ifyofine, baleteya umupila waka mombo pa Mulungu, nama pate yakwangala, nokusamba insamfi nefintu, mucifulo cakuya ku chalichi. Bekele ku ng’anda pali Citatu ubushiku, baletamba icitunshi tunshi mucifulo cakuya ku chalichi. Bena bomfwa kwati kulandapo fimo palwa ico, lelo ibumba lyabakalamba lili nokuba funya nokuya. Bwafya nshi? Cena ni Loti nakabili, alelolesha ukupitila pe windo nokumona ulubembu, kabili nokutina ukulwita ulubembu “ulubembu”!

⁶⁵ Abrahamu talimo muli cilya icimfulunganya, alifuminemo muli cena. Aali icakupashanyako ku Chalichi cabumupashi. Nomba lolesheni kucacitike pampelafye yakupwa kwa nshita, ilyofye umulilo taulapona. Kabili balya bali bena Fyalo. Cena cafimbile libela umulilo ukuponena pe sonde lya bena Fyalo ileelo, lintu ubufumu bukonaulwa nabena bakocewa. “Imyuulu ikapya nomulilo,” efyu sosa Shikulu, “kabili bakapya kucikabilila icabipisha.” Ico cali cinshingwa caico.

⁶⁶ Nomba natubabule ifyakumwenako. Pano Abrahamu kale nafuma, talimo mu Sodomu ninshi nafumamo mu Sodomu. Loti ena ali acili mu Sodomu.

⁶⁷ Icintu iceni, ulucelo lumo ulwakaba, cileya kuli lebeni koloko cena limbi efyu cali, amwene abantu batatu baleisa, abantu yawe yawefye, bale enda mu musebo, akashila. Abrahamu aikele pesamba lyacimuti camu okele, aletusha umwine eka. Alifuminepo, limbi nemikuni yanama lulya lucelo, abwelele, mupepi nenshita yamucungulo. Kabili amwene abaume batatu baleisa. Kabili palipo icintu cimo pali balya abantu, abo, abalishishe belu. Oh, owe!

⁶⁸ Lyonse palabapo icintu cimo pali Lesa, lintu Cena caisa pakati ka bantu, Cena cilalisha belu. Balicishiba Cena. Kulaba icintu cimo icibeba, ukutila kuli icakushininkisha kulya.

⁶⁹ Abrahamu abutwike bwangu bwangu, nokutila, “Shikulu Wandu, fikeni kabili lekeni imiletele amenshi yanono, intape yena kabili nokusamba amakasa Yenu, kabili mpele kuli

Imwe umwakitutula umukate, kabili nomba kuti Imwe mwaya munshila Yenu.” Eico Apilibwike lubali. Abutukile mumukuni nokubula umwana wa ng’ ombe nokwipaya, alikwete umubomfi uwakufunda yena. Aingile mwi tenti, pesamba lyakwe, nokwesa Sarah ukukasawila ubunga bwakupanga umukate, ukupanga umo, nangu fimo ifyakulya, ukupanga umo umukate, nokupanga shimo imbukumya matobo palya pebuku. Abapele ifyakulya. Ilyo aikele palya, alelya, batendeke ukumona, uyu Muntu atwalililepofye ukulolesha ukulola ku Sodomu. Kabili Atile . . .

⁷⁰ Babili pali bena, mwibukishe, ebaile mulya mu Sodomu. Babili baile ku Sodomu. Mukwai mwipusulwa ici. Ndesontelela kuco Yesu alandile. Babili pali bena ebaile mu Sodomu ukuya fumya Loti naconse icali icaipekanya ukufuma mulya mwine. Kabili balya babili abaile mulya, baile nokuya shimikila. (Kabili kwali Umo uwashela pamo na Abrahamu. Moneni icishibilo Ena acitile.) Balikwete icishibilo mulya mwine, kwaliko . . . abena Sodomu bauminwe ubupofu. Ukushimikila i Mbila nsuma lyonse kulapofwisha uushacetekela. Kabili moneni icacitile ico.

⁷¹ Nomba, kwaliko Umo uwashela kunuma pano nokucita icishibilo kuli Abrahamu.

⁷² Nomba, bushe mwalitala amumona? Kalemba walyashi lyakale uuli onse, akonka Amalemba, akonka ilyashi lyakale, takwatala akubako inshita munkulo ya chalichi apo umuntu atalile aya ku chalichi cabafye mulya mwi sonde, mulya mufilonganino, takwatala akubako umuntu untu ishina lyakwe lyalekeleshe kwati Abrahamu, h-a-m, kunuma. Lelo ileelo balikwata umo, G-r-a-h-a-m. Ico nacilungama. Ukuya kulya, ukulabeta ukufuma. Ena alacita umulimo uusuma kuli ico. Graham, Billy Graham, umubomfi wakwa Lesa kulya pakati kafilonganino, abafikansa fya calo, nefyaba ngefyo, ukulaumaula pali cena.

⁷³ Ubushiku bwakonkelepo lintu balefwaya ena ukwiminina nga Kateka, alikene mukupwililika. Lesa, amupale pali ico. Mulandu inshi, tulwa utwampani tupanga whiskey, nga tatalile fika ku cifulo cakubalilapo ngefyo cali. Nga baliposele ba billioni wama dolla, pantu ngali yafumishepo yena nangu cibe ifyo, yalya ama kampani yakupanga imishanga ya fwaka nefintu kwati ngefyo. Mwamona, ena alipalya nge nkombe yakwa Lesa kubena Sodomu. Ico cili bwino bwino fye.

⁷⁴ Lelo ibukisheni, kwali Umo uwashela kunuma kulya pamo na Abrahamu, u Muntu umbi, tebalya babili abaile kulya kwati nga bakasabankanya bambila nsuma ya leelo abaile kulya mukushimikila. Moneni, kwali Umo uwashela kulya. Babili baile muli *ilya* nshila, na Umo ashele *palya* pamo na Abrahamu. Kabili ulya Umo uwashela pamo na Abrahamu amupele icishibilo.

⁷⁵ Nomba moneni, i shina lyakwe aali ni “Abramu” kabili nomukashi wakwe aali ni “Sarai.” Ubushiku bumo nangu shibili

ilyo cilya tacilacitika, Lesa amonekele kuli ena nokumweba, “Nalacinja i shina lyobe nomba ukufuma kuli Abramumu ukuba Abrahamu.” (Mwamona, G-r-a-h-a-m filembo mutanda, umuntu.) Lelo A-b-r-r-a-h-a-m fili cine lubali, ifilembo cine lubali; h-a-m, ukupwisha na h-a-m.

⁷⁶ Nomba, muno mu Chalichi icabumupashi, kwali Umo palya na Abrahamu, kabili moneni ico Alandile. Atile, “Abrahamu,” (talandile “Abram”) “Abrahamu, umukashi obe alikwi” (talandile “S-a-r-r-a”) “S-a-r-a-h? Alikwisa umukashi obe Sarah?”

⁷⁷ Moneni ico alandile, “Ali mwi tenti kunuma Yenu.”

⁷⁸ Kabili Atile, “Nkamitandalila. Ndi nokumitandalila.” Moneni uku ukulanda kweshina, Limo, umwabela ubulayo bulya buntu Apangile. Ulya ali ni Lesa! Atile, “Ndi nokumitandalila.”

⁷⁹ Kabili Sarah, (munshila iyo ifwe bonse twinga kutulukilamo) asekele mukati, kuli ena umwine, atile, “Ine, nemwanakashi umukote, imyaka umwanda umo iyakufyalwa, shikulu wandi” (uyo ali ni Abrahamu) “mukote naena pamo, twalipita panshita iyaifyo nga abantu abaice.” Atile, “Mulandu nshi, teti tukwate icabusuma ngeco nakabili, Ine ndimukote naena mukote.” Kabili atile, “Teti tukwate ico.” Kabili atile, “Mumusango nshi? Ifi fintu tekuti ficitike!”

⁸⁰ Kabili no—no Muntu (Lesa mu mubili wa muntu) atile, “Mulandu nshi Sarah acisekela nokutwishika, nokulanda ifi fintu?” Mwi tenti, kunuma Yakwe.

⁸¹ Nomba moneni, ico nga tacili ubupyungishi bumo bwine ubo Yesu Kristu akwete! Aloleshe mulya mwi bumba nokwiluka amatontokanyo yabo. Aebele Petro untu ena aali neshina lyakwa wishu ifyo lyali. Aebele na Natanaele.

⁸² Aebele umwanakshi pacishima lintu ena atile... Atile, “Kabiye ka Ndeleko amenshi,” nangu “Ndetelako Ine icakunwa.”

⁸³ Ena atile, “Mukwai, cena tacaba mulutambi kuli Iwe ukulanda ku... imwe mweba Yuda ukulanda kubena Samaliya. Tatwakwata icakucita kuli imwe naifwe.”

⁸⁴ Ena atile, “Lelo nga cakuti iwe walishibe untu Ulelandako, nga kuti iwe wa Njipusha pacakunwa.” Ukulanshanya kwatwalililepo. Ena atile, “Kabiye kaletu umulume obe kabili mwise pano.”

Ena atile, “Nshakwata umulume.”

Atile, “Walanda bwino, pantu walikwatapo basano.”

Ena atile, “Mukwai!”

⁸⁵ Moneni ubupusano pali ulya nabalya—nabalya ba shimapepo bapali ilya nshita, kalya akabungwe akaikele mu myengelele

ya bushiku bumbi. Batile, “Uyu ni ciwa!” Balingile ukwasuka icilonganino cabo ku cintu cimo, pantu calefwaya cilya.

⁸⁶ Lelo cinshi ico uyu mwanakashi munono umubusu, lulya Lubuto lwalingilwa kalibela ulwali mu mutima wakwe. . . Ali uwalwala no kutendwa kuli filya fintu, aile mu kwenda pa musebo nga cilende. Lelo lintu amwene Cilya, atiile, “Mukwai, Nailuka ukuti Nimwe Kasesema. Tatwatata kwatapo nangu umo pamyaka imyanda ine, kabili twalyebwa ukuti ilyo Messiya akesa ifi e fintu Akacita.” Oh, owe! Lulya Lubuto lwali mulya lwatolokele ku mweo! Cinshi? Tacakabile ukwilula iyo.

⁸⁷ Yesu atile, “Nine Ena uulesosa kuli iwe.” Cilya tacakabile ukwilula iyo. Alicitile icisungusho kabili alipele ubunte ukutila Ali ni Messiya, ameni, kabili alikwete ifyasungwa ukulingana fye nefyo Lesa alaile (“Shikulu Lesa wenu akemya Kasesema uwaba nga ine,” efyatiile Mose). Cali ni cinshi? Kushininkisha kwa Malembo!

⁸⁸ Abutukile mu musumba, kabili atile, “Iseni, mumone u Muntu Uunjebele fyonse ifyo Nacita. Bushe uyu te Kristu wine? Bushe teo Ulya? Nanjeba ifyo Nacita.”

⁸⁹ Nomba moneni, Yesu, ali ni Ulya kulya muli ulya Muntu uwaloseshe inuma Yakwe kwi tenti nokweba Sarah ifyo aletontonkanyapo mukati ke tenti.

⁹⁰ I Cebo cakwa Lesa citila, mu ba Hebere, icipandwa ca 4, ukutila. . . Asosa ifi, “I Cebo cakwa Lesa calilumapo no kutwapo ukucila ulupanga ulwatwila kubili-kubili, cilaputula no kulekanya umutoto we fupa, kabili cilalingulula amatontonkanyo na mapange ya mutima.” Cena Cebo! Kabili inshita yonse ilyo kasesema aleisa, aleisa ne Cebo. Kabili Aleba e Cebo cailya inkulo. Kabili cinshi ico Acitile? Ni Kasesema Uwalelingilula amatontonkanyo ayali mu mutima.

⁹¹ Calicitike muli Yesu Kristu pantu Ena aali e mwisulo wa Cebo.

⁹² Kabili Yesu atile, “Ngefyo cali mu nshiku sha mu Sodoma, ifyo fine efyo cikaba na mukwisa kwa Mwana wa muntu.” U Mupashi wakwa Lesa waleisa pe sonde mu mibele ya bantunse, Lesa amonekele mu mubili wa buntunse (Ameni! Bushe mwacimona?), kabili alecita icintu cimo cine ico Lesa acitile mu mubili wa buntunse mu Sodomu. Mwibukishe, balelolala umwana wabulayo. Kabili, panumafye ya cilya, umwana wa bulayo aishile. Cilya e cali icishibilo ca kulekelesha ico Sodoma na, uh, ibumba lyakwa Abrahamu lyamwene ilyo umwana wa bulayo talati afike. Bushe mwacimona ico? Kabili nomba i Chalichi ca mupashi nalufika kuli ilya nshita.

⁹³ Umuntu umo atile, “Munyina Branham, bushe wasosele ‘ukutila ulya aali ni Lesa?’”

⁹⁴ Baibele yasosa ukutila, Aali ni Lesa! Tacilekabila ukwilula iyo. Ena ni Elohim. Efyo Abrahamu Amwitile. Onse kabelenga wa Baibele alishibe cilya. *Elohim*, “Umo uwaisulamo fyonse.” Ewali Uwakubalilapo, Uwakulekelesha; Ukutendeka, Impela. Elohim! Abrahamu amwitile ukutila “Elohim.” *Lesa*, mu filembo fikalamba, mu ci Hebere, *Elohim*; kwatifye, “Mu kutendeka Lesa,” Elohim.

⁹⁵ Aali ni Elohim uwamoneke mu mubili wa buntunse, nafwala nefyakufwala fya buntunse, ukulya ifyakulya fya buntunse. Ameni! Icishibilo ca kutila mu nshiku shakulekelesha Lesa akamoneka nakabili pakati ka bantu Bakwe mu mubili wa buntunse! Ameni! Yesu atile, “Imilimo iyo Ine ncita naimwe mukacita pamo. Kabili nge fyo cali mu nshiku sha Sodomu, efyo cikaba na pakwisa kwa Mwana wa muntu.” Ameni! Ico tacilekabila ukwilula iyoo; cilefwaikwa ukulangishiwa, efyo cilefwaikwa. Ameni. Bushe namucetekela ico?

Natukontamike imitwe yesu.

⁹⁶ Mwe Taata uwaba mu Muulu, twapela kuli Imwe ubulayo Bwenu, muno bushiku, ukutila Mwalisosele ifi fintu. Mwalifilaile. Takuli nangu umu uwingalenga i Cebo Cenu ukube ca mweo kanofye Imwe. Mwatiile, “Napabe ulubuto,” kabili pali ulubuto. Takuli nangu umu uufwile ailula ico, calimoneke.

⁹⁷ Nge fyo twacambula Esaya, kasesema, “Nacisungu akemita,” alimite; tacifwaikwa ukumoneka ukuli konse, alicicitile. Ico e cacitike.

⁹⁸ Mwatiile, ilyo Akesa Ali nokufyalilwa mu Betelehemu, “Ukufuma mu Betelehemu, Yudea. Bushe tamuli uwacepeshapo pali bacilolo bonse abakwa Yuda, abakwa Israeli? Lelo ukufuma muli iwe mukesa Kateka wa bantu Bandi.”

⁹⁹ Ifintu ifyo Ali no kucita, ifyo Ali no kulila pa lupanda, ifyo Ali no kusekwa, ukulasa makasa Yakwe na maboko Yakwe; “Alashilwe pa membu sheesu, kabili kubulwilwe pamampulu yesu; ukulumunwa pamutende wesu pali Ena; na mu fipumo Fyakwe twaliposhiwe.”

¹⁰⁰ Ifyo Davidi asosele, “Nshakashe umweo Wakwe ku mbo, kabili Nshakacushe Uwa Mushilo Wandu ukumona ubonaushi.” Kabili pa bushiku bwalenga shitatu, ilyo ama ora sebente-tuu tayalakumana ku kukonaula umubili Wakwe, i Cebo cakwa Lesa catiile, “Akatutubuka.” (Batile balibile umubili Wakwe; balicetekela ico na nombamba.) Lelo ifwe natucetekela, Shikulu, i Cebo Cenu! Calimoneke. Yesu Kristu abukile kabili Atile, “Ndi . . . Moneni, Ndi pamo na imwe lyonse, ukufika na ku mpela yacalo.”

¹⁰¹ Natucetekela ukutila Muli pano muno bushiku. Natucetekela ukutila Mucili fye sana Yesu Kristu muno bushiku, pano, ngefyo Mwali lyonse. Kabili Mulefwaya fye amenso, amaboko, amolu, akanwa, imyeo, imibili, ifyo Mwinga

bomfya ukumonekelamo Mwebene. Mwe Lesa, tushisheni muno bushiku, pa kuti tumone Yesu Kristu uwa mweo ukwikala pakati kesu. Mulekeni Ese! Lyena elyo cileisa mukucitika, nge nsala ya balya aba Greek abaishile bulya bushiku, no kutila, “Mukwai, tulefwaya ukumona Yesu.” Kabili no kumumona bali Mumwene. Oh, ifyo cena cali icansansa ilyo baloleshe pali Ena!

¹⁰² Lesa, Muli cimo cine ileelo. Kabili Mwalilaile ukuti nga twaumfwe nsala kuti Twamumona. “Akashita akanono, ne sonde talya ka Mone” (abashacetekela); “lelo imwe muka Mona, pantu Nkaba na imwe, na muli imwe, ukufika ku mpela ye sonde.” Twaishiba ukutila Mwaba cimo cine mailo, ileelo, no muyayaya.

¹⁰³ Shikulu, Ifyebo na fisoswa, calilembwa, nomba lekeni cicitike, ku Bukata bwakwa Lesa, pa kulangisho kuti Alasunga i Cebo Cakwe. Ameni. Lesa amipale.

¹⁰⁴ Nalaita umulongo wa kupepelwa. Ndecetekela Billy acitila napela ifitupa fya kupepelwapo, ukufuma pa mpendwa ya cimo ukufika pa mwanda umo, nangu fimbi ifyapala ifyo. Tali panofye nomba. Ni. . . Ni mpendwa nshi ya citupa ca kupepelwapo. . . Umo aloleshe ku numa yakwe iya. . . Kuti caba—kuti caba impendwa elyo ka—kabili ne cilembo (A, B, C, D, nangu. . .). Ni cinshi, A? Cisuma.

¹⁰⁵ Natukwate A, impendwa ya cimo, uwa cibili, uwa butatu, uwa bune, uwa busano. Mutampefye ukwiminina ngefi. A, impendwa ya cimo, impendwa ya bubili, uwa butatu, uwa bune. Uwa bune, Nshiimwene cena ukwiminina. Icitupa ca kupepelwapo impendwa ya bune. Uwa cimo, uwa bubili, uwa butatu. Ipepo. . . Limbi tekuti beminine. Nga cakuti tekuti beme, bamo baloleshe pa citupa wa uyo mupalamene nankwe, limbi kuti nakwata kadi nomba nafilwa ukwima. Mukwangufyanya nomba. Iyo ili palya, uwa bune. Cisano, icitupa cakupepelwapo impendwa ya busano. Mutanda, cine lubali, cine konse konse, pabula, ikumi limo, ikumi limo na cimo, ikumi limo nafibili. Nomba tampeni ukwisa kuno nge fyo impendwa yenu ileitwa. Impendwa yabumo, fibili, fitatu, isenifye kuno kwine. Icitupa ca kupepelwapo impendwa ya umo, fibili, fitatu, fine, fisano, mutanda, cine lubali, cine konse konse, pabula, ikumi limo, ikumi limo na cimo, sendenifye ififulo fyenu. Ikumi limo na cimo, ikumi limo na fibili, ikumi limo na fitatu, ikumi limo na fine, ikumi limo na fisano, ikumi limo na mutanda, ikumi limo na cine lubali, ikumii limo na cine konse konse, ikumi limona pabula, amakumi yabili, amakumi yabili na cimo, amakumi yabili na fibili, amakumi yabili na fitatu, amakumi yabili na fine, amakumi yabili nafisano. Kuliko uuli onse uushinga. . .

¹⁰⁶ Namona umulumendo kulya kunuma mu cicinga. Impendwa yobe nga naipundwa, wemwana, kabili—kabili nga cakuti teti

wi...cisuma, kuti twakwikatafye pakuboko, tulemona ukuti wafika kuno. Mwamona?

107 Nibanga muno abashikwete icitupa ca kupepelwapo lelo ukulwala kwena nabalwala? Tumone amaboko yenu, ukuli konse. Muno mwine, ico nacilungama, imyeni amaboko yenu. Bushe namucetekela? Ilyo bacili balebalonganya pamo, bushe namucetekela Ici, ukuti Aba cimo cine mailo no muyayaya? Nibanga? Moneni aba bakapyunga; bushe mwe ba munyine, Ilembo talilanda ubushiku bwe lelo, ukuti Ena ni Shimapepo Mukalamba uyo uwinga sakamana ku fyakunaka kwesu? Bushe co cacine? Nibanga bacetekele co, imyeni amaboko yenu? Ni Shimapepo Mukalamba uwinga sakamana ku fyakunaka kwesu.

108 Lyena kanshi Baibele nga yasosa, “Aba cimo cine mailo no muyayaya,” ni banga abacetekele ico? Nga kanshi ubushiku bwe lelo kuti Acita shani? Kuti acita fye cimo cine ico Acitile mailo. Bushe ico cacine? Nga muno bushiku Ali kwi? Naikala ku kuboko kwa kwa Mulopwe, umubili Wakwe; u Mupashi wa Mushilo uli muno mwine mu cikulwa, ku ku mulenga Ena ukwishibikwa.

109 Moneni, nomba lolesheni. Cinshi cacitike ilyo umuntu umo akumishe kwilaya Lyakwe ku numa kulya, umwanakashi ubushiku bumo? Takwete icitupa ca kupepelwapo, eflyo twingatila, lelo akumishe kwi laya Lyakwe. Kabili ilyo akumishe kwi laya Lyakwe, Yesu alipilibwike no kutila, “Nani Wankumya?”

110 Petro Ali mukalipile, no kutila, “Mulandu nshi, Shikulu, ico tacumfwiwe nge ca mano. Mulandu nshi, abantu bonse baleesha uku Mukumya. Mulandu nshi mwasoselo kuti, ‘Nani wa Nkumya?’”

111 Atile, “Lelo kwena Namono kuti Naumfwa amaka ukupwa.” Nibanga baishiba ico? *Amaka*, ico cipilibula “ubulamba,” bwafumine muli Ena. “Naumfwa amaka ukupwa, umo Nankumya no musango wakukumya uwaibela.” Kabili Ali pilibwike no kulolesha kwi bumba mpaka Asanga ukwali ilya nshila ya citetekelo.

112 Bonse balebika amaboko yabo uku Mukumbata, “O Kafundisha, twali Kucetekela,” kabili na fyonse ifi.

113 Lelo kwali umo uwa Cicetekele icine cine. Kabili akumishe kwi laya Lyakwe no kucetekelo kuti naposhiwa, pantu asosele mu mutima wakwe ukuti nga cakuti acicita ico ecali nokucitika.

114 Alipilibwike no kulolesha pe bumba mpaka Ena amusanga, kabili Atile...amwebele ena ubwafya bwa mulopa wakwe bwalilekele kabili alyundepwe. Bushe ico ca cine? Nomba, ilya e nshila Acitilemo, mwi bumba lya bantu.

115 Nomba, Ndesosa ukuti Tafwa iyoo, Alifye uwa mweo nganshi mu bushiku bwe lelo pamo nge fyo Ali lyonse. Kabili na Baibele

yasosa ukuti, Yesu atile, Umwine, “Ngefyo cali mu nshiku sha Sodoma, efyo cikaba na mukwisa kwa Mwana wa muntu.”

¹¹⁶ Nomba moneni, nangu cingaba icamusango shani icabupe ico Lesa akwata muno, kufwile kwabako umo kulya, nao, uwakwankulako kuli cena. Aile mu musumba, Baibele yatiile, “Kwali ifintu ifingi ifyo Tacitile pa mulandu wa kukana cetekela kwabo.” Bushe ico ca cine? Cimo cinefye ne leelo. Mulingile uku Mucetekela. Mufwile uku Mucetekela. E nshila imofye iyo mwingacita.

¹¹⁷ Bushe umulongo wa kupepelwa wateyanishiwa? Nomba, bonse peleni umucinshi pali ba minite fye nalimo ikumi. Nshishibe nga cakuti Nalafika konse kulya, Ninkwata abemine kulya nalimo anakumi yabili na-basano nangu amakumi yatatu. Lelo nomba, mu mulongo wa kupepelwa, cila umo pali imwe umo mu mulongo wa kupepelwa uwaishiba ukuti Ndi mwani kuli imwe, kabili Nshaishiba icintu nelyo cimo pali imwe, imyeni ukuboko kwenu. Cila muntu mu mulongo wa kupepelwa.

¹¹⁸ Nomba umo mwi bumba, imwe mwebeshibe ukuti Nshaishiba icintu nangu cimo pali imwe, imyeni ukuboko kwenu. Nomba, nomba, ici eco Nde esha ukusosa, cibusa, mwamona. Nomba, nici. Bonse ba kapyunga abali kuno ku cintamba. Kabili Kristu apangile ubu bulayo. Mwamona, calilembwa. Nililali cali no kucitika? Ni mu nshiku sha kulekelesha, ilyo fye Ukwisa kwakwa Shikulu takulaisa. Bushe ico cishinka? Kanshi cali no kufikilishiwa.

¹¹⁹ Nomba, ico e Cebo icasesemwa ubushiku bwe lelo. Te lubuuto lwa kwa Luther iyoo; te lubuuto lwa kwa Wesley; kabili taluli nangu lubuuto lwa Pentecosti. Epo luli, luleya luli munshila nomba. Nomba, Luther ali fye bwino; Methodisti yaba fye bwino; Baptisti yaba fye bwino; bonse fye, Pentecosti, bwino fye. Muli imisango yonse abekele muno muno bushiku. Tacili—tacili—tacili abantu cila umo iyo. Nga cakuti ba . . .

¹²⁰ Tekuti mwebe uwa muli ba Methodisti icintu cimo palwa kwa Luther, pantu acetekela mu kushilishiwa kabili Luther tacetekela ico. Mwamona?

¹²¹ Tekuti mwebe uwa muli ba Pentecosti ukuti “ukushilishiwa e cekafye,” alimona ukubwekeshiwapo kwa fya bupe. Tekuti acetekela ico. Iyo, alikwata icacila pali ico. Mwamona? Kabili ilya e nshita ya kulekelesha iya chalichi iyo twakwete, kabili na Baibele yatila takwakabe nshita sha nkuta na kabili.

¹²² Lelo kuli no kuba ukulonganya kwa bantu, mwamona, nokuba tuli pano. Nomba, mwibukishe, icishibilo ca kulekelesha. Bushe ifwe fwe bantu tulelolela u Mwana wa bulayo? Imyeni ukuboko kwenu. Bushe mwalicetekela ukuti muli ba ku Bufyashi bwakwa Abrahamu pa kuba muli Kristu? Imyeni ukuboko kwenu. Lyena, mwe Bufyashi bwakwa

Abrahamu, pokeleleni icishibilo cenu! Tacili kunse kulya mu Babiloni, tacili kunse kulya kwi sonde lya filonganino. Lelo cili muno pa kati kenu, abo abashaba mu cimfulunganya cilya kulya kunse. Cetekeleni!

¹²³ Uyu mwanakashi pano, mweni nganshi kuli ine, mupepifye nokulingana imyaka. Uyu mwanakashi nshatala mumonapo mu bumi bwandi. Nga cakutila Nali no kundapa uyu mwanakashi kuti Namundapa, nga ca kuti nalwala. Nshishibe akantu nelyo kamo pali uyu mwanakashi. Mwacimumona uko acimya ukoboko kwakwe ba minetifye banono abapitapo? Ine—Ine nshatala mumonapo. Mwanakashifye uwiminine palya.

¹²⁴ Ileelo bacisa kuno no kuleta umwina wa fitupa fya kupepelwapo, no kufisankanya fyonse pamo no kufipela ku bantu. Umo acipoka impendwa ya cimo kuno, ne mendwa ye kumi limo kunuma kulya, impendwa ye kumi limo kunuma uko, impendwa ya cine lubali, impendwa . . . mumusango ngoyo. Balafisankanya fyonse pamo, mu menso yenu, inshiku shonse. Kabili nelyo betwa, betwafye ukufuma konse konse. Mwamona? Kabili, nomba, tamulekabila nokukwata kadi wa kupepelwapo, mwikalefye apo pene no kucetekela. Mulandu nshi teti. . .

¹²⁵ Ishinineni, muno bushiku, tufwailishe no kusanga ora iyo tuleikalamo. Mwamona? Nomba, ilifye mupepi nokupwa, nayo, cibusa. Mupepifye no kupwa!

¹²⁶ Nomba, nga cakuti Lesa wakwa Abrahamu alibushishe Yesu Kristu ku bafwa, kabili ulya Yesu alilaile ukuti munshiku shakulekelesha ifishibilo fimo fine ifyo Abrahamu. . . ukuti Malaika (uwali ni Lesa mu mubili wa buntunse) acitile kuli Abrahamu, ilyo fye umwana walailwe talati afike, Yesu atile cimo cine ecikacitika ileelo.

¹²⁷ Nomba, twamona ama atomic elyo ne filonganino, na fyonse filya, ne cimfulunganya ico babamo. Tulemona Billy Graham kulya kwi shilya, na Oral Roberts, pamo na bantu bonse kulya; inkombe ya Pentecosti elyo ne nkombe ya cilonganino kulya, tulemona na fyonse filya ifilecitika, ukupanga icishibilo. Billy Graham, umuntu wa masambililo ya fyakwa Lesa pakapeleko, ifyo icilonganino casuminamo. Oral Roberts, kondapa pakapeleko, ukulinganafye ne fyo Pentecosti yaba. . .

¹²⁸ Lelo lolesheni kuno, kuli cintu cimbi icalaiwa ku Lubuto lwakwa Abrahamu. Kulya bali mukati ka filonganino; kuliko icintu cimo *kunse* ya filonganino ico cifwile ukucitika, ukulonganya abantu. Twalacileka mpaka mailo ubushiku.

¹²⁹ Lolesheni, ulya mwanakashi Nshamwishiba. Nalafutatila inuma yandi kuli ena. Nga cakuti Shikulu Lesa alasosa ifintu fimo kuli ulya mwanakashi, limbi fya—fya pa ng'anda, limbi fya ndalama, limbi kulwala; Nshishibe. Aleishiba nga cacine nangu iyoo.

¹³⁰ Nga cakuti muno bushiku Acita icintu cimo cine ico Acitile lilya akale, bushe mwalacetekela Lesa wakwa...ulya Yesu Kristu alaile ukuti akaba pano mu nshiku sha kulekelesha? Nibanga abacetekela ukuti tuleikala kwati ni mu Sodomu, ilyo icalo conse cingile mu mibele ya Sodomu? Nibanga muli imwe bacetekelo ukuti ifyo Namweba muno bushiku fya Cine? Kanshi, mwe bana kabili aba Bufyashi bwakwa Abraham, cetekeleni Lesa!

¹³¹ Nomba, eico pakutila cifumishiwe mu mano yenu ukuti Nde esha ukulanda ifintu fimo ku mwanakashi, ukumulolesha mu menso, nangu ukusanga fyonse pa kukuusha amano nangu conse ico wingafwaya ukwishiba. Onse uwaishiba pafya kukuusha amano kuti akwatapo amano ukucila ico. Mwamona? Mwamona? Bushe mwalitala amumonanapo muntu uubula amano ya muntu umbi no kuyeshiba alebila Mbila nsuma? Mwalitala amumonapo uupepa imipashi alebila i Mbila nsuma, no kucita ifishibilo elyo ne fipapusho, ukubilisho kuti Yesu Kristu aba cimo cine? Nakalya.

¹³² Mwamona, ni...manofye ya bantu. Mwamona, balipofula. Bushe mwalicetekela ukutila kuti bapofula? Baibele yatila bakapofula. Bushe cacine ico? “Bacintalika, abatumikwa, abatemwa ukwangala ukucila Lesa, abatoba ifipangano, ababepesha abanabo, abatalama, abasusha balya abasuma, abakwate mimonekele ya bukapepa, lelo abakana Amaka ya buko.”

¹³³ Bushe Yesu tasosele, muli Mateo Uwashila 24:24, ukuti Imipashi ibili mu nshiku sha kulekelesha ikaba mupepi nokulufyafye Abasalwa bene, nga caba icingacitwa? Lelo tacingacitwa iyo. Bali mu matontonkanyo yakwa Lesa pa kutendeka, kabili baliba cilundwa cakwa Lesa.

¹³⁴ Nomba, mwe Lesa wakwa Abrahamu, Isaki, na Yakobo, lekeni cishibwe muno bushiku ukuti Ndesosa i Cine palwa Imwe. Ni Mwe, Shikulu. Mu bufuke lekeni ababomfi Benu bafumyepo amamtontonkanyo yabo, pakuti Mu bomfye imibili yesu ku Bukata Bwenu. Mwi Shina lyakwa Yesu, u Mwana wakwa Lesa. Amenii.

¹³⁵ Ica bupe cinshi? Te cintu ico mwingabula no kuputaula kabili no kupilibula. Iyo, iyo. Kwishiba ukuitalusha ukufuma mu nshila pakuti Lesa akubomfye. Ica bupe kuifumyapo fye wemwine, elyo Lesa acibomfya.

¹³⁶ Namayo ku numa yandi ali no kufwa nomba linefye nga cakuti tondepwe. Namayo ku numa yandi ali pepelwako ku mwaume umbi, nomba line. Alikwata ipwa londa. Ipwa londa lili mwi bele lyakwe na muli bapwapwa. Kabili balimupepelako nomba line, kabili ale esha ukupokelela ku cicetekelo ukutila naundapwa. ifyo EFYA SOSA SHIKULU! Bushe ico ca cine, namayo? [Umukashana atila, “Ee, cacine sana.”—Kale.] Nga

efyo, sunsha—sunsha ukuboko kobe ku cintu bwingi. Lesa wakwa Abrahamu acili no mweo! Cisuma, kabiye no kucetekela ico ucetekele kabili uleba umutuntulu. Ameni.

Bushe mwacetekela? Muletila, “Nga mu cintu bwingi?”

¹³⁷ Uyu mwanakashi ekele apa pamo nankwe. . . pa mpela ya cipuna, umukashana wa cibili palya. Ilyo Nacipilibuka palya pene Nacimona icintu cimo, icintu ku kuboko kwakwe, ukwenda kwa mulopa uulepompa. Alikwata umulopa ukubutukisha. Bushe ico cacine, namayo? Imyako ukuboko kobe. Nga wacetekela, ukubutukisha kwa mulopa obe kulepwa. Lesa wakwa Abrahamu epo acili. Alifye ukulingana nefyo cali, i Cebo cakwa Lesa ica buno bushiku!

¹³⁸ Uli shani? Wacetekela nomba? Kwata icitetekelo muli Lesa! Wacimoneka ukuba umwaice. Lesa alishiba umutima obe, namayo munono, Ine nshaishiba. Wacetekela ukuti Lesa kuti asokolola kuli ine icilubene? Ule Mucetekela nga ca kuti Nacita? Tacili pali iwe, ca muntu umbi, noyu ni ndume yobe. Kabili ali uwalwalisha sana, elyo ali mu musumba ubelele ku kapinda ka kulyo kuno, ku Tulare. Kabili ali mu cipatala, ali no bulwele bwa mu mulopa, na ba dokota na bafilwa no kuleka ukutila afwe. Takuli isubilo nelyo limo nakalya. Cacine. Bushe wacetekela? [Nkashi atila, “Ee.”—Kale.] Cisuma. Cinshi ico ukwete mu minwe yobe? Usende ico cine no kuya cibika pali ena. Kabili witwishika iyoo, cetekela. Ameni.

¹³⁹ Bushe mwacetekela? Nshatala mumonapo namayo mu bumi bwandi. Lelo Lesa acili ni Lesa! Nomba, mulenjeba umuntunse kuti acita cilya. Mu mipangile ya buntunse tamwaba ukucita cilya. Ni Lesa uo Yesu Kristu alaile ukuti akaba pano mu nshiku sha kulekelesha kabili no kuishininkisha Umwine (ku Bufyashifye bwakwa Abraham) nge fyo cali mu nshiku sha Sodoma.

¹⁴⁰ Nomba pano, namayo Nshamwishiba, tuli beni kuli umo no munankwe, Nde elenganya ekumononapo umuku uwakubalilapo mu bumi bwesu. Bushe ulencetekela ukuba umubomfi Wakwe? [Nkashi atiila, “Ee.”—Kale.] Bushe ulecetekela ici ukuba i Cebo? [“Ee.”] Kabili nawishiba ukutila, nga ici Cebo cicili cilalingulula amatontonkanyo na mapange ya mitima. Bushe ico cishinka? [“Ico nacilungama.”] I Cebo ni Kondapa, naco, nga cakuti wa Citetekela. Wacetekela. Naukupwa, pamo, ne cinshingwa ca fiita. Lipwa londa. Kabili bushe wacetekela ukutila Lesa kuti anjeba apabelele ilyo ipwa londa? Libelele mu mala ya mwisamba, efyo ba dokota balanda. Bushe ulecetekela nomba ukutila walaundapwa? [“Ameni.”] Kabiye, kabili witwishika iyoo, na Lesa alakulenga ukuba bwino. Ameni.

¹⁴¹ Mwacetekela, bonse? Ukulinganafye nefyo Alaile ukucita! Kwateni icitetekelo muli Lesa, mwitwishika.

¹⁴² Tuli beni umo no munankwe. Nshakwishiba iyo. Nga ca kuti tatwaishibana, leka icintu bwingi cishibe ici, twikatane amaboko. Nshatala monapo uyu mwanakashi mu bumi bwandi.

¹⁴³ Bushe mwacetekela kunse uko? Mwacetekela ukuti ni Yesu Kristu? Cinshi? Cena Cebo Cakwe. Ilyo aba bantu ba Cikana, tabalekana umuntu, lelo balekana i Cebo. Cena Cebo icali kunse, tacabwelele mukati iyo.

¹⁴⁴ Nomba, namayo mweni kuli ine. Nshatala mumonapo mu bumi bwandi. Lesa ni Kondapa. Limbi tacili kukundapwa, limbi kuti cabafye cintu cimbi, lelo nga cakuti Lesa ala londolola kuli ine ubwafya bobo, bushe walancetekela? Ica ntanshi ico ulefwilla ukupepelwako, cakuti, walikwata ukutwi ukushaba bwino. Kumo pa matwi yobe, taumfwilako. Ico nacilungama. Cishinka. Elyo kabili walikwata aka musango, kabili ulefwaya ukuleka ako ka musango, ukupeepa fwaka. Bika umunwe obe mu kutwi kobe ukutuntulu nomba, cisuma, ukutwi kobe ukutuntulu. Cisuma. Nomba cetekela Lesa no kuya mu nshila yobe, kabili wicita. . . kabili na fwaka ine tawakatale aupeepa nga wacetekela. Kabiye, na Shikulu akupaale.

Mwamona icacitika. Bushe te Mutuntulu?

¹⁴⁵ Nshakwishiba, tuli beni kuli umo no munankwe. Nshatala kumonapo mu bumi bwandi, lelo Lesa alikwishiba. Nga ca kuti Lesa anjeba ifintu fimo pali iwe, walacetekela?

¹⁴⁶ Bushe icintu bwingi conse calatetekela? Kuli umuntu uuli onse uwaishiba uyu mwanakashi? Kuli umuntu uuli onse mwi bumba uwaishiba uyu mwanakashi? Cisuma, mwalaishiba ici nga cishinka nangu iyoo. Ici e calapwisha fyonse. Ici cifwile ukusosa icishinka.

¹⁴⁷ Nomba kuti mwamona ifyacitika pali ba minitifye abanono abapitapo. Mwamona? Nicofye. . . Ndetalantanta. Mwamona? Fyonsefye fyaya fileleko kumoneka kuli ine. Mwamona, Uku kulingulula. Mwamona, Ni Mupashi wa Mushilo. Te ine iyoo. Cena Cebo icalailwe muli buno bushiku. Tacatala acibako ukutula pa nshiku sha batumwa, tacatala acibako. Lelo apo casoselwe, “Ilyofye ukwisa kwa Mwana wa muntu takulaisa. Ngefyo cali mu nshiku shakwa Loti, efyo cikaba na mukwisa kwa Mwana wa muntu.” Abashacetekela tabacicetekela Ici. Taba enekelwa uku Cicetekela. Lelo abacetekela bena bali Citetekela!

¹⁴⁸ Nomba, ngo Mupashi wa Mushilo walasokolola ici, ni banga balacetekela no mutima wabo onse, mwalaimya ukuboko kwenu?

¹⁴⁹ Naukwata fimo ifyaonaika. Walikwete ubusanso bwa motoka, bwali tinta amafupa ya mongololo wa mukoshi obe ukuya sokomona. Kabili no lufyo nalo lwalikwata ubwafya. Cacine, teifyo fine? [Nkashi atila, “Ee, mukwai.”—Kale.] Wacetekela? [“Ee, mukwai.”] Uli no kuba bwino. Shikulu Alumbwe.

150 Ulecetekela Lesa alondapa ubwafya bwa mfyo? Kanshi kabiye no kupokelela ubundapishi bobo.

151 Isa, namayo. Lolesha uku lubali. Wacetekela Lesa alondapa ubwafya bwa mutima? Cisuma, kabiye mu nshila yobe no kucetekela, no mutima obe uleba uutuntulu.

152 Isa kuno. Wacetekela Lesa kuti aposha inuma yobe, uku kulenga ukuba bwino? Kanshi kabiye no kucicetekela cena.

Cetekelenifye Lesa, ico ecintufye ico mufwile ukucita epela!

153 Isa, namayo. Wacetekela Lesa alaposha ubwafya bwa mu mala? Kabiye, kalye icakulya cobe ica mulalilo, ucetekele no mutima obe onse.

154 Isa. Ulecetekela Lesa kuti aposha ubulwele bwa kukalipa umulundanina amafupa? Ninshi kabiye, cetekela, no kulenga . . . kabili Lesa alekulenga ukuba umutuntulu.

155 Cisuma, isa. Ulecetekela no mutima obe onse? Ulecetekela? Ubulwele bwa kukalipa umulundanina amafupa, nakabili. Bushe ulecetekela ukutula Lesa kuti akulenga ukuba bwino? Kabiye, Cicetekele, landa ukutula, "Natotela, mwe Shikulu."

Nibanga bacetekela kunse uko? Bushe mwacetekela?

156 Uyu namayo ekele apa ne laya lya kashika, uwimishe no kuboko kwakwe kuno kwine, alilwala ubulwele bwa mulopa ukubutukisha. Ulecetekela Lesa kuti akuposha? Ulecetekela? Cisuma. Bika amaboko yobe pali uyo namayo mupalamene nankwe apo, umwebe ukutula ishiwi lyakwe lili no kuba bwino. Ameni.

Mwacimona ico. Ameni. Mwacetekela? Kwateni icitetekelo!

157 Apa pali umwaume uwikele pano, alikwata ukusuma umulopa. Mwacetekela, mukwai, mwebekele apa? Ee, walikwata ukusuma umulopa. Wacetekela ukutula walapola?

158 Namayo uyo apalamine nobe nao wine alasuma umulopa, elyo kabili alacushiwa ne numa. Wacetekela Lesa alakuposha? Wacetekela? Imya ukuboko kobe no kucipokelela. Cetekela.

159 Uyu mukashana apalamine naiwe alacushiwa na molu elyo no lutungu. Bushe ulecetekela ico ukutula cacine, namayo? Ulecetekela ukutula uli no kundapwa? Cisuma, imya ukuboko kobe, sosa ukutula, "Nacipokelela."

160 Cisuma, umukashana apalamine nankwe alikwata ulwambu. Wacetekela ukutula Lesa alaposha ulwambu, iwe namayo umunono weufwele amakalashi? Imya ukuboko kobe, sosa ukutula, "Nacipokelela." Cisuma, ucicetekele.

161 Namayo uumukonkelepo alikwata ubwafya bwa mfyo. Bushe ulecetekela ukuti Lesa alaposha ubwafya bwa mfyo, namayo? Cisuma, imya ukuboko kobe, cipokelele.

¹⁶² Umukashana umunono uukonkelepo pali ena alikwata icibukulo. Wacetekela ukutla Lesa alaposha icibukulo apo? Imya ukuboko kobe, cipokelele.

¹⁶³ Ni banga mwe bacetekela ne mitima yenu yonse? Kanshi iminineniko pa makasa yenu no ku cipokelela. Iminineni mu Mukubapo kwakwa Lesa wakwa Abrahamu, Isaki, na Yakobo.

¹⁶⁴ Mwi Shina lyakwa Shikulu Yesu Kristu, lekeni Mupashi wa Mushilo ekile mu cikulwa nomba no kuposha umuntu onse mu Kubapo kwa bu Lesa!



LESÁ ALAILULA UMWINE EKA BEM64-0205

(God Is His Own Interpreter)

Iyi Mbila na Munyina William Marrion Branham yaletelwe intendekelo mu Cingeleshi pali Citatu icungulo, mu Kabengele Kakalamba 5, 1964, pa Kern County Fairgrounds mu Bakersfield, California, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org